



19. november 2012

Inatsisartut suleriaasianni § 37, imm. 1 naapertorlugu Naalackersuisunut apeqqutit imaattut matumuuna saqqummiuppakka:

- 1. Nuup Kangerluani Isukasiani London Miningip saviminissamik pīaanissamut pilersaarutai pillugit tusarniaanermik ingerlatsineq inuiaqatigiinnut qanoq aningaasartuutaava?**
- 2. London Miningip Isukasiani saviminissamik pīaanissamut pilersaarutai pillugit tusarniaalluni innuttaasunik ataatsimiititsinerit qassit ingerlanneqarpat?**
- 3. Innuttaasunik ataatsimiitsinerni suut pissarsiarineqarpat?**
- 4. Naalackersuisut sooq suliffeqarfimmik namminersorluni ingerlasumik London Miningip Isukasiani saviminissamik pīaanissamut pilersaarutai pillugit innuttaasunut ataatsimiititsinikkut tusarniaanermik ingerlatsisussanngortitsiva?**
- 5. Sooq Naalackersuisut London Miningip Isukasiani saviminissamik pīaanissamut pilersaarutai pillugit innuttaasunik ataatsimiititsinikkut tusarniaanernik namminneerlutik ingerlatsisannginnertik toqqarpaat?**
- 6. London Miningip Isukasiani saviminissamik pīaanissamut pilersaarutai pillugit illoqarfinni allani sooq innuttaasunik ataatsimiititsisoqanngila?**
- 7. Sooq London Miningip saviminissamik pīaaffigerusutani 'Isua'-nik taagorpaa, uffa sumiiffik pineqartoq pisortatigoortumik 'Isukasia'-nik taaguuteqartoq?**  
(Per Berthelsen, Siumut)

**Tunngavilersuut:**

Qaammatini kingullerni London Miningip Isukasiani saviminissamik pīaanissaanik pilersaarutit pillugit Nuummi innuttaasunik ataatsimiititsinernik ingerlatsinikkut tusarniaarnerit arlallit ingerlanneqarput. Innuttaasunik ataatsimiititsinerit suliffeqarfimmit namminersortumit ingerlanneqarput.

Siumup suliaq pillugu apeqqutit pingaarutillit tusagassiutit aqputigalugit saqqummiuppai, tamatumanilu maluginiarlugu apeqqutit Siumup apeqqutaanut assigusut aamma soqutigisaqatigiiffimmit saqqummiunneqarneqartut. Taamaattoq pisortatigoortumik Siumup tusagassiutit aqputigalugit apeqqutai qisuariarfigineqanngimmata, matumuuna Siumumi politikikkut oqaaseqartut Naalackersuisunut apeqqutit arlariit saqqummiuppakka.

Apeqqutima ullut suliffiusut qulit ingerlaneranni akineqarnissaat kissaatigaara.